

濰縣文獻叢刊

第一輯

第一輯

濰縣文獻叢刊

全濰紀略
濰縣全城記

濰縣竹枝詞
濰陽紀事詩

民國二十一年五月初版

濰縣文獻叢刊
印費二角

編輯者

丁

錫

田

印刷者

和

記

印

刷

局

濰縣東關大街

發行者

和

記

印

刷

局

學生營業部

黎明書店

濰縣文獻叢刊敘目

年來錫田從事蒐求鄉邦文獻獲見孤本二十餘種念一縣事實及諸先輩之手筆不應個人自祕擬為次第校刊公諸同好日列左方

韓文靖公遺集南唐韓熙載張昭潛輯

全濰紀略明周亮工傳鈔本

濰縣全城記明丁運隆家藏本

鍼法辨明孫出聲孫氏家藏本

蝸鳴集清朱若賓傳鈔本

濰陽紀事詩無名氏習齋本

三五寇紀清小竺山人習齋本

濰縣竹枝詞清郭慶習齋本

文石雜識清陳介錫陳氏家藏本

校定甲子紀年清宋書升習齋本

初篁書廬詩草清宋書升宋氏家藏本

舊雨草堂詩鈔清劉掄升習齋本

勤齋集元蕭翽四庫本

通愷明周亮工習齋本

濰縣竹枝詞清鄭燮傳鈔本

理堂先生未刊文稿清韓夢周韓氏家藏本

咸同濰城紀變清董青傳鈔本

濰言清郭慶習齋本

桑梓之遺書畫目錄清陳介錫陳氏家藏本

夏小正釋義清宋書升陳氏伏廬校本

旭齋文鈔清宋書升習齋本

眠琴閣遺文清張億張氏家藏本

益堅齋詩鈔清曹鴻助習齋本

民國二十一年丁錫田謹識

全濰紀略引

壬午冬虜迫濰城圍廿日餘殪其酋首虜遁而城全邑令周亮工曰濰之存鄉先生士民力也予客秋自會城返適輒病病輒旬日臥且性過疑畏臨事恆憤憤抱疴既久火時炎上性又時時不自耐也虜未至一籌莫展至而束手待斃予之無所短長具見矣濰之存鄉先生士民力也予病既滋甚而又恆愧爲鄉先生士民之所容敬以先後事蹟付之梓人以明予之無所短長而濰之存皆鄉先生士民力也夫以無所短長如予而卒恃鄉先生士民之力而存濰則予之所得于天者夫固厚也夫祥符周亮工

塘報

山東萊州府平度州濰縣爲孤城既危復全衆心以守兼戰飛報奇捷事自虜騎長驅南下卑職會同鄉紳郭尙友張爾忠王璫胡振奇等舉人郭知遜等并舉監生員計議戰守一時義激士紳各捐輸不貲職又搜括微俸凡戰守之具各得粗備至本月初九日夜奴□□直抵縣西北列七營插數百帳于初十日辰時以數百□□城上用砲擊死數十人屍悉抬去割其一級得油□□□□募勇士縋城以砲擊其營城上復紅夷遠擊卽移□□□□動靜于十二日辰時奴騎數百直入西關又用大□□□□多賊計已窮不敢仰攻明攻隨潛匿城東北角空□□□□牛馬牆爲障蔽大砲擊之不得穴城六處共成六□□□□人晝夜穿鑿職與紳士計議恐其鑿透入城于城內□□以陷之

備火藥以燻之懸天秤懸樓以擊焚之乃賊計實欲挖陷石城職于十四日厚懸賞格發家丁衙役鼓舞督率沿牛馬牆殺死真奴數十餘人然兵入復鑿于十五日職又動捐銀一千兩又重懸賞格得壯士三百餘人直逼洞口斬衣紅酋首二名割奴級四顆收兵入城不意至五鼓時城東北角忽陷數十尺賊喊聲如雷飛矢如蝗豎雲梯從壞城直上職披甲執刃同典史王如濟及合邑紳士鼓勵兵民衙役從容應敵鎗棍矢石火礮槓砲一時俱發賊遂披靡殺傷無算一時兵民賈其餘勇沿壞城而下戒無貪級殊死砍殺奴曳兵棄甲踉蹌東奔乘勝窮追其崩陷城卽督令千夫當日修完至本日二更時分前列營奴賊拔帳向東北去訖通計奴困濰七晝夜前後擊刺焚殺約五六百人割級三十餘顆奪回盔甲七副馬六匹驢十頭奪回剃頭難民二十餘名口糧草十馱油帳房一頂藥布袋二十二條奴刀三口城上收箭一千五百餘枝城下得弓四張元寶一定上有瀘溪縣十五年練餉字樣至殺死快手三名百總一名皂役二名重傷武舉一名家丁十名衙兵十一名卑職右足亦被大砲坐傷今尙未能動履是役也以彈丸之邑被圍數日竟得瓦全異矣穴城已壞衆心愈固異矣一處城壞四處雲梯齊上聲言已破而衆不爲之動異矣且鼓勇爭先旣退賊于城上復沿壞城而敗賊于城下又異矣更可異者在城老幼男婦竭力一心未字閨秀青衿內室及瞽夫幼子悉運磚石柴束又如城上欲以鍋鐵雜砲子中擊賊而合城中方欲舉火卽碎食鍋以酬急人心至此似千古未有至鄉紳士民無不破家亡身原任巡撫張爾忠以病骨支

床原未派守信地乃臥當矢石凡城頭三十餘戰無不以呻吟爲叱咤則人思死敵或有感而然歟職心力已竭不敢言功惟念奴氛孔棘愈加戒嚴若有功鄉紳士民與夫血戰兵丁并陣亡姓名容再覈實詳列爲此理合先具塘報須至塘報者

撫院王

批據詳擊虜全城不但通省所無卽古昔亦所罕見眞第一奇功也仰候 題

敍繳

防院曾

批賊攻濰七晝夜穴城凡六洞城上下百戰而愈銳屢危而復安不但該縣與

紳衿奮發同心卽婦人孺子皆協力眞千古之奇事也仰候 題敍行

督師范

批退虜全城之功惟該縣及諸鄉紳爲最已經具 題仰候 明旨遵行繳

按院陳

批據詳濰邑官紳戮力大挫賊鋒且男女皆可爲兵誠禦虜全城之血功也仰

海右道確察以憑具 題優敍繳

布政司周

批逆虜東犯州縣相繼破陷卽壽光抗守十餘日而亦不免於難獨該縣以血

戰獲全濰紳衿協贊衆心成城非該縣綢繆素預調度有方能是有是乎立候

兩院題敍行繳

按察司邵

批狡奴鑿城崩壞旣危復全眞謂衆心成城也閱詳驗該縣官紳士民竭力同

心當極險極危之時愈堅愈定卒保危城此其功豈特二東無雙眞是千古

未有仰萊州府察敍詳報

青州道王 批維岳挫虜全城紳士倡義人心鼓舞該縣眞誠綰結之素備禦應變之才誠

爲二東巋然靈光矣仰候 三院題敘繳

萊州道張 批仰候彙詳 三院題敘批示行繳

萊州府胡 批仰候轉詳行繳

萊州府刑廳張 批奴酋入犯蹂躪不堪獨濰防禦嚴密力保全城功莫大焉仰候 上

司詳行繳 續奉

薊鎮經略趙 批濰邑不但以守爲守且能以戰爲守官民誓死衆心成城如此偉績自

應破格優異仰候會 題行繳

塘報

山東萊州府平度州濰縣爲逆奴已退復返孤城再危復存飛報奇捷哀求援兵事逆奴自十二月初九日攻圍本縣七晝夜至十六日臨明時分將東北城牆挖倒被我兵打退大獲全勝至二鼓時分賊拔帳向東北而去已經塘報訖闔邑士民亦冀幸有寧宇矣職則以爲奴情不測去必復來嚴諭守堞兵夫加意防敵務保萬全孰意逆奴行至本縣離城三十里寒亭地方果扎營未動至十九日辰時忽又返回在東關以南扎營至本日二更時分逆奴不計其數抬雲梯數十架直抵南門迤西城下用礮百餘張將牛馬牆放倒十丈奮力齊攻勢莫能當職躬冒矢石同分守信地鄉宦主事胡振奇監生楊瑗武舉劉芳聲等鼓勵民兵

衛兵從容應敵又差游兵朱元聲趙從庚縋至城下率南關難民上下交戰用滾木播石火礮萬人敵將雲梯燒燬燒死奴賊三十餘人用紅夷大砲擊死四十餘賊皆痛哭擡屍而去得獲奴箭五百餘枝城頭陣亡塚夫二名箭中傷衛兵三名逆奴大敗回營第聞逃回難民來說此奴挖城而攻既不利其心亦灰因行至寒亭遇見破昌邑之賊說起濰縣打死許多韃賊大家憤恨故又回來報仇今奴勢比前漸衆雖兩挫其鋒而毫無去志以彈丸之邑自初一日聞警初九日被困職目不交睫者十九日于茲職犬馬之力已盡今每日嘔血不已職自分必死已將胸膛并衣襟等處各寫濰縣知縣名字用印鈐蓋期以一死謝 聖天子第職一身之生死爲輕朝廷之封疆爲重乞念卑邑存亡在呼吸之間速發援兵以救萬命不但濰邑得以保全登萊咽喉似亦賴以鞏固矣職力量尙能固守五六日若再外援不至萊無濰矣緣係報捷兼請援兵事理擬合再行塘報須至塘報者

撫院王 批本院已移催 督師大兵馳援矣仰盡心竭力固守以建奇功繳

防院曾 批此爲十九日之賊請救兵也次月十二日纔能到萊然城已賴該縣與 諸

老之力保全矣仰候 題敘行

督師范 批該縣未詳之先已發兵馳援矣仰協官兵勦禦繳

按院陳 批仰海右道併察速報

布政司周 批仰候 兩院題敘行繳

按察司邵 批暫退復來此狡虜慣着多有墮其計者該縣預爲看破鼓勵民兵禦其再攻

獲有大捷閱詳不勝擊節仰萊州府并察敘繳

萊州道張 批仰候彙詳行繳

萊州府胡 批仰候轉詳行繳

塘報

山東萊州府平度州濰縣爲孤城再被挖陷小民到底死守四面環攻三番奇捷乞賜 題

敕以鼓忠義并發援兵以救萬命事奴之攻濰已不遺餘力矣十六日東北城倒以守兼戰幸而無虞已經塘報訖矣不意逆奴行至寒亭地方遇破昌邑之賊鼓其餘勇又仗所得昌邑紅夷大砲三尊去三十里復來攻矣天不亡濰孤城又有十九日南面之捷又經塘報訖矣賊至此實萌去之之心不意行十里外遇破平度之賊說起濰縣傷他許多韃賊自入口以來未吃此虧大家發恨立意報仇兩攻不利遂仍用前番挖城之計二十日蚤飯後奴衆數百擁入北關城上砲擊俱用門扇遮蔽又運柱椽門扇自玉皇閣至牛馬牆外約數十丈俱以柱椽密釘用門扇蓋頂若複道然火礮擊之無從驅遣難民各帶鋤鋤穿挖城根共係六孔每孔約容數十人衆見其連挖三日其用力比前更猛又見其架昌邑紅夷大砲時時打放人心不無畏懼卑職四面巡視諭以今番利害身家性命所關爾等各宜竭力如挖城已崩奴必四面環攻使我顧此失彼宜萬分鎮定以拒之又令兵丁搬運四方大木七

十餘方疊起重城一座又于城內截挖深坑俟其穿透以火燻之卑職以爲彼不過前番伎倆只照東口預備便足以制奴之命矣不意其計乃在人意料之外也二十三日一夜無事二十四日黎明時候忽聞千百聲炮響震若雷霆迷如雲霧土上激而石下翻城上之人恍惚如地動雷震之象皆立脚不住痴迷不醒蓋其用所得昌邑火藥烘城故頃刻間城崩六十餘尺俄而虜衆架雲梯齊至紅夷弓矢亂發勢已難支矣幸彼抬頭而見重城卽共咬指曰有了重城了制他不得卑職鼓舞衆人奮力死鬥順城大砲火礮滾木擂石一齊亂發又用大萬人敵裹草束燒其雲梯逆奴焚死大半打死大半聽見白旗賊向紅旂賊說我們要走你們要攻不吃這虧還不肯走城頭之人見其伎倆如此更加力擊之打死不知其數賊遂棄甲而走獲其雲梯六架箭一千餘枝此一捷也城之陷較十六日所陷之城闊不止一二倍而十六日所塌僅城面之石此一次則火藥所攻石城旣倒土城亦陷其餘所存僅僅二尺耳非天不亡讎內外未有不齊陷者非第此也此一刻間南面迤西一帶見韃賊千衆蜂擁而來抬雲梯二十餘架至十九日打仗之所一湧齊上幸分守南門鄉紳極力堵禦炮石齊發逆奴萬矢交攻城頭接戰益力打死韃賊百十餘名傷其穿紅韃王一員見數百死酋環之而哭卽用大炮連擊亦不忍捨獲其雲梯八架神鎗二杆歛斃百餘張箭千餘枝南門正接戰西門之喊聲至矣二百餘騎抬雲梯盡力攻西門以南地方幸分守西門士紳併力抵敵人人奮勇用大炮佛郎機打死韃賊數十人俱被拉去獲其雲梯五架箭三百餘枝

三面一時獲勝逆奴皆抱頭鼠竄而舊倒之口忽又見雲梯四架韃賊百餘人在城濠之外其意若俟二面少得利而後近城者幸分守士紳預點紅夷大炮擊之遂未敢近城踉蹌而去此一刻間城旣倒陷賊又四面環攻孤城萬無可存之理而卒恃萬人一心而無虞論北面堵禦則原任巡撫張爾忠仍如東口倒陷時臥病督陣勞績彰彰而典史王汝濟舉人王洵郭知遜陳調元丘鳳起并分守生員監生及卑職妻弟開封府學生員閔衍魯故人常州府無錫縣生員高永清皆不避矢石指授方略功未可泯若其被傷者則僅十餘兵丁衙役各中二三矢不等耳論南面之堵勦則主事胡振奇監生楊瑗生員高世勛等而被傷者較北門爲稍多城頭陣亡塚夫齊應選義兵丁復運已故鄉宦楊琦家人楊順共計三名被奴酋紅夷大炮打去一腿砲手一名韓應聘中箭者二十餘人尤可異者生員徐瑗家人之妻抱石助陣膊中一箭掩淚不言謂恐亂軍心又南寺僧人兆才因火藥局在寺運炮火礮上城亦被箭傷幸而不死論西面之功則參政王璿監生呂養隆生員呂養望等而我兵并無損壞是役也孤城被圍十有九日城牆連倒四面環攻卑職不避砲矢奔走城頭顧此瞻彼拮据之狀真有難以形容者幸天不亡瀕孤城到底不失人心到底鎮定聞逆奴說若都照這一個小縣于我們如何了得卽合邑之民亦謂奴自入口以來如此毒攻如此死守未易數數得也至二十五日蚤賊四關一齊發火拔營而南卑職搶其紅夷大炮三尊上有崇禎八年昌邑縣知縣虞山陳啟元監造字樣砲眼俱釘幸俱拔開仍舊可用今俱安至城頭矣

有傳此賊口口去者有傳其往膠州去者皆不可知而撥見回報則總之不離濰境爲是又據難民言此奴仇恨益深聲言此去必破安邱回來再加力合攻又言濰民甚惡中了箭拔出來依舊站在城上打仗這個明攻不得須黑夜暗取之卑職自初一日聞警初九日被圍到今日不交睫者二十餘日于茲心力已盡嘔血不已縣中大勢與卑職病軀俱有難支今逆奴尙徘徊於本縣許營地方若果如難民所說濰斷難存卑職與合邑生民數日之間諒不能免于一死懇乞 憲臺念孤城死守可憐俯賜 題敕倘得 朝廷之上知濰邑之民如此忠勇略爲紀錄卑職同合邑之民雖死之日猶生之年矣若 憲臺俯念孤城必危速發大兵星馳赴援此奴弓矢竭而筋力疲輜重多而轉移滯殲之至易未見彼之必足以亡濰也若援兵不至則孤臣之力已竭亦惟有與合邑士紳以一死謝 聖天子而已緣係第三番報捷求援事理擬合再行塘報須至塘報者蒙

撫院王

批本院已提兵抵青合殲逆奴爲民復仇矣仰候題敕繳

防院曾

批賊陷城六十餘尺終屹然無恙真奇捷也仰候 題敕行

督師范

批本院前後所發兵馬已足勦禦可恃無恐仰縣協力固守可也其全城守功

已經疏 題矣此繳

按院陳

批逆奴三攻濰邑戰守益加奮勵真所謂衆心成城也此時大兵已集濰氣倍

壯可無虞矣海右道速察報以憑具 題優敘繳

布政司周 批仰候 兩院題敘繳

按察司邵 批濰城被虜挖陷至再環攻至三該縣官紳士民仍能以守兼戰奮勇獲捷賊

狡狠到此伎倆俱窮真可異也至閔衍魯高永清以逆旅之遭能不避矢石

指授方略功尤足多仰萊州府并察 敘繳

青州道王 批請發援兵已不啻申包胥之哭矣 督師批詳兵已早發仰該縣察報

萊州道張 批仰候彙詳批示行繳

萊州府胡 批仰候轉詳行報

塘報

山東萊州府平度州濰縣爲仰仗 天威官兵奮勇砍殺斬獲奇捷事卑職因逆奴徘徊濰境終不肯離奴意叵測遂日夜與援兵加意隄防本月初二日巳時據各營飛報云都司羅景美探賊至坐山一帶見賊衆千餘騎從南往北意在攻濰各營將士一齊掌號鼓勇迎敵卑職雖身居城內心有不安又遣領兵武舉王鳴世等帶領衙兵民兵大炮神鎗隨後接應幸我兵奮勇爭先大獲全勝本日申時據鎮標宣遼各鎮副參董永顯潘永昌胥有詔塘報前事內稱本月初二日寅時分卑職等摘差精健撥夜官兵羅景美等前去濰縣東南坐山一帶哨探去後續據羅景美差役飛報到職等回稱坐山一帶俱有韃賊一股約有千餘騎從南往北行走意在攻濰已經飛報貴縣及各鄉紳外職等隨統領頭敵官兵與賊血戰各

各奮勇爭先追趕至馬思南留集等處地方頭二敵合兵一處與賊鏖戰數十回合隨有貴縣差來領兵官王鳴世等帶領精壯民兵衛兵伍百餘人攜帶大砲神鎗器械至城南二十里舖策援賊見我兵加勢遂自披靡我兵奮勇衝殺在陣生斬奴級九顆盔甲六頂副腰刀伍把弓九張撒袋九副夷馬十六匹鞍轡俱全大旗二杆海囉一個等因到縣切照逆奴叵測朝夕攻維此番合衆來攻若非大兵奮勇砍殺孤城安能存活其斬獲首級奪獲馬匹器物等項俱經卑職城頭驗明外擬合塘報爲此理合具申伏乞 照驗施行須至申者

撫院王

批仰候報部繳

防院曾

批人言賊垂涎濰邑之富庶誓不得志不休讀此詳而後信本院撫軍不能發一兵相援其故具在疏中賴該縣與諸紳士庶之力得免顛躓感愧不容言矣

仰候 題敘行

督師范

批據詳將士用命殺賊該縣用炮助擊俱經彙疏具題矣此繳

按院陳

批援師四集濰氣益壯三戰三捷之血功真未易有已行海右道察敘以憑具題優異其主客官丁奮勇衝殺陣斬夷級九顆奪獲馬匹等物大捷可嘉仰該

縣就近報解 撫院驗明給賞繳

布政司周

批該縣全城之功真可謂愈出愈奇者矣仰候兩院題敘行繳

按察司邵

批官兵與賊交戰奮勇斬獲厥功可嘉仰萊州府并察敘報

青州道王

批仰候 三院敘題繳

萊州道張

批仰候彙詳 三院題敘批示行繳

塘報

山東萊州府平度州濰縣爲拿獲奸細事本月初五日據 宣鎮總督標下副將頗下嘯撥守備趙崇祿魏進昇差材官彭承訓等在本縣東關巡緝街道同本縣聽靜外巡快手王繼春義丁吳懷珍等拿獲真正奸細一名張文實到縣審出張文實口供係臨清州人被韃賊擄來日久因韃賊攻離三次被城上砲傷五百餘人日要報仇在濰縣南龐旺地方扎八大營自二十六日到今并未動營差文實前來探聽濰縣官兵多少如兵少來攻兵多便止又着文實身帶火石火鏢皮袋得便卽入火藥局放火爲號韃賊便來攻城得信回去用素珠一串爲號撥馬便不殺害等因吐供在案除將捉獲奸細有功人役重賞并將張文實城頭正法外緣係夷情合行塘報須至塘報者

奸細塘報

山東萊州府平度州濰縣爲監犯逆謀顯露萬人共憤立斃城頭大快人心事卷察康寧原籍薊州人蒙 薊州軍門委用管理火器陞授遊擊崇禎五年間山東孔賊作亂陷登圍萊奉 旨調發東援大兵行至昌邑住劄 援剿部院劉 委差康寧領兵堵賊未敵逃回墜馬折肱後擬以臨敵規避斬罪奉 旨詳允發濰縣寄監聽候取決至崇禎十年間蒙 恤

刑員外郎李 按臨會審疎枷于崇禎十五年十月內又蒙 按院陳 會審矜疑具 題
比因奴酋入犯各處俱料理城守事宜以康寧原係武職又兼曾在本府討保料理城守安
置火器銃砲本年十二月初一日因奴信緊急城守各項需人康寧談兵如流火器素諳本
月初三日將康寧取出令在城頭簡點各樣砲銃安置苗頭料理數日至十六日奴賊將城
挖倒攻城對敵之際令康寧點放火礮落于城上已將垛夫張時明燒死滿城并不疑惑以
爲誤失不期康寧復點火礮竟向城頭打仗之人一連亂丟以致城頭大萬人敵連燒數個
并大砲一尊將垛夫高都王四等快手張國政等兵丁程起鷗丁應得劉進忠等共十八名
當時燒死生員張璿家丁張奇忠等書手陳振基俱被燒傷幾斃復存而彼時垛夫兵丁俱
謂康寧係是斬犯樂于失城以脫其罪不然此時千萬人與奴對敵呼吸存亡之際何以一
連三次城頭放火所以兵丁垛夫千餘人見燒死多人切齒共憤以爲真是奴賊奸細各持
鎗刀立斃寧于頃刻間割啖幾盡其義子康全祿已先潛入草廠暗帶火繩藥信正欲放火
以爲內應同時有看巡草廠家丁張尙仁王應時等捉獲拿赴城頭立時梟斬訖嗟夫斗大
灘城數千死寇列四面以環攻經三至而不已且城旣倒陷而奸人復從中內變向非天心
默佑豈有城下雲梯直上城頭失火三遭而不傾陷者卑職無知人之明謬使奸人逞逆謀
于城頭而不覺罪無所辭緣係萬人立斃逆犯情繇事理擬合申報爲此今將前項繇册理
合具申伏乞 炤詳施行須至申者

防院曾

批康寧向城頭打仗之人亂丟火礮燒燬多器多命逆謀顯然寸磔不枉康全祿放火內應有跡並梟允宜此繳

督師范

批據詳康寧不已立功贖罪乃敢城頭縱火燒打仗之人以致衆怒刀槍立斃以快羣心康全祿草廠放火明係奸細斬固難辭仍詳明 撫按兩院批示繳

萊州道張

批康寧負觸網之恩而甘心爲賊內應其肉不足食矣仰候轉詳行繳

萊州府胡

批仰候轉詳行繳

萊州府刑廳張

批濰邑數攻未下防禦之固厥功茂矣何物康寧敢萌逆謀覺而誅之天奪其魄也當虜薄濰城用人若渴之時豈料及反側並其義子全祿

立時梟示大快人心大約城守以防奸細爲主當平昌相繼失陷萊郡四面皆賊扎營無數而不敢逼攻者以防守嚴密奸細無所容故也仰候 上司詳行繳

申報節婦文

山東萊州府平度州濰縣爲孤城既危復存節婦已亡莫救恭報一門死難之慘以見下邑之危以明人心之固事崇禎十五年十二月十六日辰刻奴賊率衆攻城將城東北角挖陷數丈賊衆蜂擁而登時勢危迫生員王珩同子生員王沚城頭力戰奮不顧身其妻武氏一聞城陷垂危急呼妾高氏子婦高氏長女孫謙妻並次女泣而言曰我與汝雖係女流當識

大節殺身不辱正在此時遂同時投繯身死及奴衆敗退聞家人傳報急忙歸視而五命繞梁已不可甦矣卑職同合縣士紳往哭其門外看得生死關頭名節攸係非盡仁人志士誰能撒手翩然而况婦人女子目不閱詩書足不踰閭閻能以一時之激烈芬千古之牙齒不亦光史冊而羞當世乎生員王珩妻武氏誕秀名門于歸右族女訓列傳素所習嫻甫聞奴入縣境大爲寒心奴賊攻濰泲旬而若夫若子賈勇殺賊一時穴城崩陷數十丈賊將登城闕聲若雷疾呼若妾暨子婦高氏長女幼女相向環泣諭以利害謂奴賊跳梁邑城將陷我等裙布何用生爲夫若子尙在城頭而氏等五命忽已作泉下游矣嗟嗟濰城危在頃刻師武臣力得以保全烈婦誓不辱身同一投繯浩然長往如此氣節如此忠義眞亘古所未聞而亦鬚眉丈夫所不能彷彿于萬一者也匹夫小善猶思獎借以激人心矧茲一門五節能以一死維綱常之大義嚴夷夏之大防斷不容泯泯無聞與兵燹野燐共滅沒于草莽也然卑職尤有異焉生員王珩係參政王璫胞弟也參政與弟署丞王玘并姪舉人王洵生員王潤等專理火藥且朝夕城頭不避矢石躬自督陣二十四日西城一戰厥功甚偉豈天之篤者厚歟何王氏之多奇也是爲代懇憲臺推恩泉壤將武氏等五口死節始末特疏具題仍將王珩父子爲 國忘家一段忠誠情節轉達 天聽俾得沾褒綸而闡幽德則二天之戴存沒均感矣

撫院王

批據詳一門五節可敬可憫允當

題旌以維世風仰候會疏繳

防院曾

批武氏聞賊登城卽牽妾與子婦等投繯計不反顧視性命如一葉視名節如泰山真兩儀正氣古今士女殉難有人未有一門五節如王氏者仰候 題旌

行

按院陳

批 仰海右道確察速報

布政司周

批王氏一門五節可謂雖死猶生矣仰縣先動司銀十兩作建坊之助仍候

兩院 題旌繳

按察司邵

批王氏一門五節千秋佳話城之危者復存人之亡者不朽矣褒旌豈容緩

也仰萊州府覈察詳繳

分守萊州右參議張

批據詳生員王珩一門五節令人感泣欲絕允宜特 題以旌貞

烈仰候轉詳行繳

分巡青州右參議王

批城頭戰士方酣閨中香質早殞原其一死不欲芳魂染腥風故

爾完身榮名實已光天壤仰候 題旌以維風化

萊州府胡

批仰候轉詳行繳

萊州府同知馮

批一門五節亘古稀聞亟應嘉獎者仍候 院司道府詳行繳

萊州府通判孫

批一門五節自足千古讀來詳而該縣爾時危迫之相恍惚目前矣忠

義所激不覺淚潄潄下仰候 院司道府詳行繳

萊州府推官張

批仰候 上司詳行繳

青州府推官胡

批王生員父子力保孤城妻妾女媳憤全大節一門五烈名高千古合

應 題卹以光史冊 院臺疏請行繳

申文

山東萊州府平度州濰縣爲飛報挖城又倒事逆奴十二月十六日挖倒北門迤東城 處二十四日用藥烘倒北門迤西城一處兩口俱已修完第口東之工爾時因逆奴札營不動急于修完未免草率修後石土皆凍猶可支持今春氣略融逆奴挖洞時所用門板木柱支撐今皆壓倒原修之城忽又于本月初九日未時傾圮而舊城相連者亦被震落一丈有餘逆奴去濰不遠終日有細作來探萬一知此口又倒秣馬而西勢有難支幸

督師范 大兵雲集而卑職又預備有磚石五日內似可修完事關城池擬合申報須至申者

按院憲牌

巡按山東兼理監軍督餉監察御史陳

爲孤城既危復全衆心以守兼戰等事崇禎十

五年十二月三十日據該縣塘報擊虜全城情形到院據此除塘報

兵部外爲炤濰縣彈丸小邑奴賊狠攻七晝夜鑿洞陷城勢亦危矣但該縣調度有方防禦嚴密鄉紳士庶共力保守可謂全城奇捷矣自應優敘但賊謀叵測城守不可少懈合再申

嚴爲此仰縣官吏督率官紳合力其爲保障其崩塌城牆亟需修葺以保無虞仍撥兵偵探設伏堵擊勿令狡奴敗後乘隙侵犯以保萬全慎之慎之須牌

青州道憲牌

欽差分巡海右兼整飭青州等處海防兵備管理屯田兼督糧餉山東布政使司右參議王爲孤城再被挖陷小民到底死守等事崇禎十六年正月初五日蒙

督師范

批據本道呈據濰縣報稱前事等情到道該本道看得濰邑二十日環攻三次

克捷據其城守之力固士庶效死之血誠論其應變之方亦該縣咄嗟之立辦不意二東鮮此全城奇功亦逆虜幾番入口所未經挫折之奇捷也 憲臺貔貅萬旅近在咫尺幸星飛電發慰此方雲霓之望爲淄青瞻仰之舉當無俟秦庭之哭矣具呈到 院蒙批未據詳之先已三次發兵救援矣其該縣退虜全城之功自當 題敘此繳蒙批到道擬合諭知爲此牌仰本縣官吏察炤詳文事理知會施行須牌

萊州府申上司看語

萊州府爲孤城旣危復全衆心以守兼戰飛報奇捷事據濰縣申初次攻城緣由前事云云又據本縣申爲逆奴已退復返孤城再危復存飛報奇捷哀求援兵事云云又據本縣申爲孤城再被挖陷小民到底死守四面環攻叁番奇捷乞賜

題敘以鼓忠義并發援兵以救萬命事云云又據本縣申爲仰伏天威官兵奮勇砍殺斬獲

奇捷事云云等情申府據此

看得奴氣深入輒破多城雖曰彼之善攻亦繇此未堅守倘能潛於九地何難保其萬全如
濰縣小於彈丸危如壘卵內無營伍外乏聲援僅有一令一尉爲之支撐并鄉紳士民相與
協助奴挾投鞭斷流之勢肆其靴尖趨倒之謀肆面環攻遠既讓金湯於臨兗兩旬緊困近
將尋覆轍於平昌知縣周亮工不憚以弱禦強兼能以戰爲守其聯衆心爲壹體也部民不
足而借才親知男丁不敷而役及婦女其挫狂鋒於叁番也砲器連擊而賊被傷亡重賞鼓
勇而多所斬奪甚至圍屢解而屢合城旋陷而旋完惟必死方能必生非奇才焉得奇捷固
今世所罕見抑亘古所未聞向使所失各府州縣處處如濰之死守人人如濰之敢戰則奴
且寸草無掠而隻騎不還何至滿載如飽肉之鷹而久住若無人之境哉然則濰官濰人愈
覺可哀可羨諸凡在事有功之輩無論文武主客之殊尤當特題大加旌異既可吐二東之
氣且堪堅四方之心不惟表一時之功實足垂千載之美又慮奴必欲甘心於積恨尤宜思
所以策救其局終是以擊節亟稱而爲之轉申代請如此緣係報捷代請

題敘事理卑府未敢擅專擬合申請爲此今將前項緣繇書冊理合具申伏乞 焯驗施行

告示

萊州府平度州濰縣示昨日有快手在省城來帶得

軍門王老爺守城告示并守城歌一張說得二十分明白二十分痛快我今抄刻與你們看

你們想一想難道我這一座城不如館陶冠縣他們守得住我們比他還要守得住他們殺得韃子多我們比他還要殺得大家依

軍門老爺并 本縣說不但身家性命完全也令千百世後人人傳誦說我縣中能守能戰今將告示并歌刊于後

軍門王勸諭守城軍民人等但凡守城只要大家齊心大家着力決無不勝之理本院屢屢叮嚀爾等未必聽信你看館陶冠縣是座小城只是縣官肯拚命殺賊軍民肯聽縣官教訓一齊拚命殺賊不但全了城池館陶打死韃子七八百割了首級十顆冠縣打死韃子一千多割了首級六十顆奪下盔甲刀箭婦女牛羊無數昨日解來領賞爾等難道不知那攻城的韃子也是個人這守城殺韃子的也是個人難道都不如他其餘如章丘淄川齊河平原鉅野東昌府青州府德州濟寧州等處也都殺了許多韃子可見韃子原不必怕只是人見了他先自懼怯站脚不住他就得志了他雖人衆難道飛得上城就是豎起雲梯等他將近城上一棍一個一鎗一個正好割他首級獻功况有萬人敵火礮順城砲佛郎機三眼鎗搗木大石他如何上得城頭又有滅虜大砲西洋大砲各路埋伏他如何近得城下爾等軍民以後只聽本院號令閉着口站定脚執了棍齊心合力一些事也沒有保得父母妻子性命家私件件都全若是指望逃走那敵臺上執刀的材官立時割下頭來本要貪生反是速死了各宜慎之思之

附歌九首

望見賊莫暴躁，炤定苗頭纔放砲。若是一砲打不準，空費錢糧惹他咲。
賊將近，莫着忙。難道插翅飛上牆，站定脚跟閉着口。各拿短棍與長鎗，
豎雲梯不必怕。我在高頭他在下，轟雷火礮一齊燒。任他鐵梯也燒化，
賊近堞遊兵上一槍。一棍死莫放打死，一賊五十兩方顯男兒有志量。
勸軍民休想走，你看材官刀在手。城頭號令不容情，但有走的先梟首。
勸軍民仔細聽，分班休歇要通情。四更切莫辭辛苦，要緊防他在五更。
勸軍民莫躲奸，他人勞苦你安閒。搜出男人定要斬，自家先上鬼門關。
到晚來定計策，偷營劫寨人難測。斬得虜首來獻功，賞了銀子加官職。
勸文武莫相疑，成功都殺沒高低。赤膽忠心是豪傑，留取芳名萬古題。

周侯全灘血績紀

壬午建子之月，奴虜入塞，登萊錯牙入海，若島嶼然。其去塞下也計里之數，積以千。此曩昔所未躪及地也。

灘侯周公以維陽之英，少理渤海之盤，錯鈞魴烹鮮二年於茲矣。當縮綬初詢，戊寅奴虜陷濟掠青，狀愾然。矢衆曰：天方參驕，當思有以禦其來，勿徒恃其不來也。禦之之具曰：城曰器曰粟，而尤莫要於人。城不堅完，與畫地同器不弔善，與徒手同粟不積，溢與枵腹同人，不和。

調不豫附與烏合烏散同於是因舊墉爲之鞏其瑕葺其敝崇其陴垣密其砲坵星列其火具京峙其糗芻守國之險稱備矣諸所爲得道和人之事凡二年間飲讀勸課皆是也比今遊邏偵虜還濰益復憤慨乃盟紳衿耆庶於神宇心力相協方區相布分不才經等於東門而督之以原任淮撫尙書郭諱尙友者分署縣丞黃金鼎等於南門而督之以候補主事胡諱振奇者分巡檢解應選等於西門而督之以原任南瑞道參政王諱璫者分典史王汝濟等於北門養病陝撫僉都張諱爾忠者臥而督焉城之正背歸一樓號青陽公之所爲居中以制四方者也石城周十里爲堞千二百一十有五舊制門役一夫夫專一堞征之城居之族茲則郭村郊遂咸來入翼矣主伯亞旅咸來受職矣蓋每堞三人仍餘遊兵家丁親丁各千餘人顧安所得犒募之費乎則有我公俸橐紳衿義民合捐之金在堞上插木架一備一屬近社輸樹數千株其磚石山積則城族旄稚所移衆具旣張萬人思奮不才經每從公騎巡閱焉卽早知濰城之爲盤石也已十有二月厥八日癸酉弦越翼日甲戌虜衆萬餘矢七營於西北又翼日食期以數百騎四向窺城斃於城砲者纍纍也虜人氣奪是夜公募勇士縋城擊其營營移六七里十二日食期以驍騎迫搗我西郭公又以城砲斃之虜人計阻我北城之外青萊孔衢也古無居民近溺利之徒競構旅邸成二郭焉虜借東北郭樓祠爲遠蔽濠內牛馬牆爲近蔽穴我北城之東隅十四十五日公盟於關帝出兵斬俘之十六日寅刻穴處城崩二三丈虜架雲梯冒死欲上公先期構木城鑿內濠以待之懸天秤飛樓以擊

焚之我衆恃此不恐虜喪其精銳於城下兼於奔北之窮途遂拔帳而東塚夫從公補崩城
堅逾舊竣工在退虜之日脯十九日虜從一舍外萃其陷破昌邑之師矢於郭東其勢如林
是夜架雲梯數十直抵南門迤西城上木石火器城下遊兵郭民夾攻退之廿日又萃其陷
破平度之師借北郭閣廟及牛馬牆之蔽穴我北城之西隅二十四日昧旦穴處城崩六七
丈雷轟霧迷移時方定蓋虜盛填火藥烘之也當是時也烘塌處橫倍前縱亦倍前賊旅倍
前冒死亦倍前而烘我之藥擊我之砲移自昌邑又前此之所未曾有乃我先聲旣振長技
愈熟其所恃以不恐因而摧虜於城下迫虜於窮途者一如十六日之於東隅其補完崩城
也亦如之不特此也此刻聞南門迤西十九日戰所則有千餘虜奮躡焉西門迤南則有二
百餘虜奮躡焉皆喪徒棄梯而去北門極東十六日戰所則有百餘虜控騎而伺焉亦一震
再震創而去總於是夜未爽免走而南馳矣難民脫罟羈而反幹止者述虜衆嘆入塞以來
未遭如此之大衄此語當非誣爾自朔九日被圍至念五日圍解其間小捷者四朔十日擊
死數十割級一獲其油頂酋帳一十二日擊死百餘十四日斬殺數百十五日斬衣紅酋長
二割級四大捷者三初則擊刺焚殺五六百割級三十餘獲其盔甲七馬六驢十芻糧之馱
十火藥之囊二十二日三弓四箭一千五百元寶一上鏤瀘溪縣練餉字截剃髮難民二十
餘名口再則焚死三十餘擊死四十餘獲其箭五百三次之殲賊也北數百南數百內一酋
西數十所獲北六梯南八梯西五梯北千箭南千箭西三百箭南則又多斂鏃百張神槍二

杆焉其三巨砲鑄昌邑知縣陳啟元監造字則虜遁時追師所搶也大抵戰之所以捷守之所以固繫我公先事預防臨事多算之所致而公猶謙謙不敢自居對人西遜謝不勝上初捷則曰張中丞臥當矢石以呻吟爲叱咤也郭司徒重犒士卒以奇計成首功也上再捷則曰胡主政慷慨鼓勵從容應敵也上三捷則曰郭與張王與胡四紳分防堵勦也三者之捷皆士弁協謀也兵民用命也青衿內室未字閨秀及瞽夫幼子呼石石至呼木木至呼飲食器物則飲食器物卒至也四公而外則又有孝廉子衿及義氓或竭重橐或指全囷或血戰或籌策或代布恩纘於城頭或佐盪宄氛於里左皆公所言則納之事則任之功則歸之者也其親丁家丁衛丁營兵鄉兵塚夫遊兵各千百人皆公所勞則賞之患則恤之者也萬人一心衆力成擎殪彼夷醜扞我社今而後經益徵雒城之爲磐石也在昔世忠之妻仲淹之子皆久在營壘間然亦僅一二人爲其親者用耳雖俗右文數百年不見兵戈比屋踐室皆南國采芣之婦東山詠雪之姬陳翁車上之童孺鄭子泥中之奴婢微特不才經所育諸縫掖沐浴我公今古文之教澤而已也倉卒遇變而竭蹶奔命之恐後公之所以得此於人者豈有異哉大約曰慎曰重曰虛而能容靜而不亂值紛然之論咸笑而聆之當獨斷之際又毅然行之且城頭立法不務嚴而務寬人初疑公失之太寬公乃曰吾素如是驟未能易也乃當穴城崩壞之際萬心若一咸曰吾不能舍吾仁廉之侯也至以寬得效而後人服公居心之仁而厚用意之深且遠云然此猶其末也當穴城已深外援不至之際公刺血請

兵者三番暈仆于地猶向持函馬卒稽首再拜曰急行救吾闔邑生靈迨穴城將塌之際公自署其職名于衣襟之上而以縣印覆之曰賊入我死讖以覓我時無錫高忠憲公之孫在側公令之書已胸膈間曰繼令周某之尸一時慘動天地從傍數百人皆痛哭失聲不能仰視及賊將登城之際孝廉郭知遜生員胡貞徹在公之側公見戰士少退輒舉刀示之曰戰不力吾卽死於此舉刀自刺郭胡二君持之而免衆因自勵一戰而虜退嗟夫公之所以得此於人人者豈無故哉蓋其才略旣足以馭人而其忠烈之氣又有以激之也若公者殆所謂萬邦爲憲者與抑將所謂四方是維者歟公諱亮工字元亮一字陶菴河南祥符籍江西金谿人庚辰進士 崇禎癸未季春朔青門朱經書於分守之迎旭樓

全城實略

山東萊州府平度州濰縣闔學廩增附生員梁章袁知祉于門俊等恭紀邑侯周公全城方略條列於左

一曰審畿夫畿者動之微爲吉凶之先兆自蠡虜入口所在震驚我侯明炳幾先逆料長驅莫阻卽預作未雨綢繆之計爰示通衢令富者捐資貧者効力謂爾等各有身家誰不愛惜若舍死守一着別無全身免死之方讀其條示至有流涕失聲者是以大義洞然萬心共濟凡紳衿父老血盟於城隍廟中所稱人和多助此其徵矣

一曰足食夫懸罄之室不可恃以無虞枵腹之民何以驅之禦敵吾濰紳縉鉅富之家雖咸

全 湘 新 聞
有京城厚蓄而賢侯猶以未多恐也乃示郊關鄉社之菽粟務期盡運入城有警耀爲兵糧無事仍留故物是以人心悅服守越三月而兵民不匱內積饒而膽氣壯卽環攻不足畏矣

一曰足兵老幼之夫聞風而膽落鳥獸之衆勢合而心墜我侯先令坊長地方人等清察牌甲人給忠義塚兵布票一方上填年貌鈐以縣篆縫著於衣又親自登陣點驗簡其年五十以下二十以上者用之日給口糧六分計得精壯塚夫四千一百二十名此外則招募遊兵六百名分置四角樓督之以武舉王鳴世而百總周撫鎮等分領之名之曰助勝營某處有警分隊往救以佐塚夫之不逮此外則又招募親丁六百名每十人爲一隊散布四面督之以武生李之弼童生郎珽而親丁頭目陳璞宋報國姚允元等分領之各救本人信地之警若他面有重敵特遣馬上旗牌調赴救援此外則邑中原設有兵丁百名邑侯倍其數悉令精火器散置各塚專理大炮名爲火器營督之以典史王汝濟把總鞠萬戶人與器習是以發無不中此外又令紳衿富民各募家丁或百餘名或幾十名或數名督之以義勇守備元珠名曰士紳家丁營遠城巡視以與親丁游兵塚夫互爲犄角是以城倒之際四面環攻而處處有兵并未移借一人賊退後有難民逃出者聞賊云內必有久在邊防爲大帥者運謀於中以故處處有備若此蓋大勢盛而我武揚縱有堅甲利兵視之不啻摧枯拉朽矣

一曰精器夫制挺可使撻敵是甚言勇往之民心非果謂徒手堪以赴戰也先聖云工欲善其事必先利其器况事之關於决生死定存亡者乎我侯爲慮既遠處事復精客歲卽請之

防院得火器千總沈文煌將一切大砲神鎗鐵鎗盡數磨鍊停當公平日臨政之際片紙不罰而理之至屈者僅罰三眼銃一二桿大木槓子四五根或罰運大石四五抬人咲以爲迂而不知今日始得實用有警時又令鄉紳及典舖各出所有刀鎗斧戟長柄鐵錘等物選其極鋒利者散給民兵持執又加以播木大石堆積成垛而紅夷西洋滅虜百子等砲并佛郎機三眼鎗萬人敵火礮等項俱安置信地一時有警取之甚便用之不竭誠哉有備無患矣

一曰壯威蓋內順治外威嚴談兵之至理也故言戰守者必期慎備禦于中又須張聲勢于外但吾灘不過彈丸原無額卒挑選民兵又止供城頭而城下寂焉無人則外捍不固虜可卒至仰攻非計之盡善也我侯隨機應變乃豎立大旗於東關招撫難民凡各鄉與鄰封逃難之民來投吾邑者不可勝數隨命百總王天福唐詩督率難民編成哨隊墻內挑重濠以杜挖洞又各立副塚分站牛馬墻積以磚石大槓無警則唇齒是依有急則上下相應庶城池內外皆吾心膂而奴賊架梯挖洞之計窮矣

一曰專責成夫十羊九牧厥事必僨盡人知之惟賢侯經文緯武夙儲將將之才更妙在權

不旁移事歸分任若城上則分東南西北以尙書郭巡撫張參政王主事胡諸公司之彈壓雖稟于一人而信地則各有攸屬如義民張友孟王選等專管造火藥如義民張化林專管收錢糧如義民王珠魏思恪支錢糧如義民吳懷珍李孟高等專管修築是以事事無掣肘怠誤之虞人人一心畢力而勞苦弗辭怨尤無隙矣

一曰明賞罰李筌曰怯人使之以刑則死勇人使之以賞則死倘躲冒不加刑血功不加賞曷以服衆心而收其死効哉我侯信賞必罰出自虛公如胡騎臨城明懸額賞用砲打死一名者賞銀十兩中一箭者賞銀一兩割一級者賞銀五十兩捉獲奸細一名者賞銀百兩計功立賞不遲時刻惟用破格之重賞乃可施不貸之刑威庶功無濫叨罪無倖脫而臨陣爭先罔敢一人退縮矣

一曰勵士氣夫兵家敢戰氣鼓之也然氣貴有以激之古語云遣將不如激將此非不易之良法乎我侯披肝瀝膽痛哭流涕號於軍民曰爾等倘不勇于赴敵則此城一破奴賊將殺爾父母虜爾妻子掠爾家私悔之晚矣寧期我先殺虜勿致虜來殺我若果有情愿出戰者亟自報名編成一冊預賞銀五兩戰後另按功給賞陣亡者卽重恤其家決不忍使忠魂啣怨尤簡有力能扛鼎奮志殺賊者選而別之命之坐同其飲食以聽相機調發後數日設壇南宮痛哭以祭陣亡之人哀動滿城是以人人用命而匹夫可以奪三軍矣

一曰肅號令蓋令行而市人可戰法必而女子可驅設諭戒不嚴人心玩忽將鼓之不前金

之不止雖驅百萬之衆以赴闔何異委肉虎蹊耶賢侯明禁於前凜法於後而行止生殺之權毫無假借使人皆愛官而愛身畏法而不畏虜斯稱內懼而外堅矣

一曰靖街道夫外強而內變可虞兵行而宄謀易起我侯燃犀洞鑒尤籌之熟矣乃令城中各處街道每處派留生員五名分班巡察凡遇定更砲後街巷柵欄盡行封鎖有一名不上城者許巡街生員同游兵立拿梟斬自此夜行絕跡而奸細無所施其伎倆則裏應外合之萌息矣

天地正氣尙有遺漏者嗣細察補入

十二月初六日死難衛役一名

潘享年 係快手赴防院報警被奴殺死寒亭

初七日死難衛役一名

蘇成名 係民壯赴萊州道報警被奴殺死西十里舖

初十日死難衛役一名

朱見澤 係民壯赴防院本府各廳告急出城十里卽被殺死

十一日死難衛役二名

張連珠 係快手持血書赴萊州道請兵被奴殺死五里舖

闕麻子 係快手吳佃副差持血書赴防院請兵被奴殺死油房

十二日賊初來挖洞申時出城與賊打仗陣亡五名

王躍龍 係新設助勝營百總身中七矢肩重二刀當時身死

朱東修 係助勝營家丁因救王躍龍當時射死

陳丕基 係助勝營家丁因救王躍龍當時射死 傷奴甚多奴恨入骨割其首去

梁明樓 係助勝營家丁當時射死

梁得才 係助勝營家丁心中一矢入城次日身死

十三日城上陣亡五名

熊守分 係義勇營大炮手城頭放炮被箭射死

張應福 係皂隸城頭打石被箭射死

趙仁傑 係塚夫城頭打石被箭射死

高尙舉 係塚夫城頭打石被箭射死

張從善 係塚夫城頭打石被箭射死

十四日城下打仗陣亡四名

王光宗 係親丁營親丁射中喉死

丁應德 係皂隸被奴射死

于國珍 係牛馬墻內難民與賊死戰刀砍死

劉尙只 係牛馬墻內難民與賊死戰射死

本日城上陣亡一名

陳廷友 係塚夫城頭助戰射死

十五日出城死爭洞口與奴死戰陣亡十七名

劉文才 係助勝營家丁被奴射死

劉興 係助勝營隊長被奴射死

本日城上陣亡二名

劉養訓 係助勝營家丁城頭遞射中箭死

張廷策 係塚夫城頭助石中箭死

十六日黎明挖城既倒城頭與虜死戰陣亡十八名

張保安 係快手被箭射死

張國政 係快手被奸細康寧放火燒死

程起鸞 係快手被奸細康寧放火燒死

相士揚 係本縣民被賊虜去賊命士揚同抗雲梯士揚至城下舍雲梯而去且向城頭涕

泣曰無妨用心打仗城上人見奴當時將士揚砍作數段

王繼全 係塚夫被奸細康寧放火燒死

丁復金 係塚夫被奸細康寧放火燒死

張增 係塚夫被奸細康寧放火燒死

陳京元 係生員被箭射死

高都 係塚夫被奸細康寧放火燒死

張顯登 係塚夫被奸細康寧放火燒死

王宣化 係塚夫被箭射死

張可約 係塚夫被箭射死

孔樂周 係塚夫砲坐傷死

魏奉道 係助勝營家丁中箭死

王繼全 係塚夫被箭射死

宋光才 係助勝營家丁中箭死

王連 係塚夫中箭死

王四 係奸細康寧放火燒死

二十四日北門拖西挖城已倒奴賊四面環攻陣亡三十一名

張若程 係生員西口子打仗中箭死

宋體豐 係生員南面打仗中箭死

王祚久 係生員南面打仗中箭死

孫守富 係正堂家丁西面打仗中箭死

夏振夷 係登州府材官南面打仗中箭死

楊順 係鄉官楊宅諱琦家人南面打仗中箭死

丁復運 係南關義民游兵南面打仗賊豎雲梯已將登城復運見事迫持槍跳上城堞向

下而刺連刺數人賊始退去復運身中六七箭當時死

張保安 係民壯西面打仗中箭死

徐桓 係堞夫南面打仗中箭死

徐尙友 係堞夫北門西口打仗砲坐死

梁保初 係堞夫南面打仗中箭死

黃進寶 係堞夫西面打仗中箭死

劉茂盛 係南關義民游兵

黃玉 係堞夫西面打仗中箭死

譚可述 係堞夫西面打仗中箭死

譚萬全 係南關義民游兵南面打仗中箭死

李福貞 係堞夫南面打仗中箭死

劉得秋 係塚夫南面打仗中箭死

胡進美 係塚夫南面打仗中箭死

朱建業 係助勝營家丁南面打仗中箭死

張魁宇 係塚夫西面打仗中箭死

馬 整 係助勝營家丁中箭入城次日死

李彥洪 係助勝營家丁中箭死

林 三 係塚夫中箭死

王得才 係參政王宅家丁中箭死

李孟正 係參政王宅家丁中箭死

黃爾瓚 係巡撫張宅家丁中箭死

凌化鳳 係參政王宅家丁中箭死

仲學詩 係塚夫中箭死

張 化 係義官中箭死

丁 隨 係塚夫中箭死

王政簡 係牛馬墻內難民中箭死 朱譚社人

孫孝增 係牛馬墻內難民中箭死 夏仲社人

田茂登

係牛馬墻內難民中箭死 東關北隅人

田茂節

係牛馬墻內難民中箭死 東關北隅人

王政雍

係牛馬墻內難民中箭死 朱譚社人

唐法

係牛馬墻內難民刀砍死 北關人

陳政

係塚夫北口子打仗中箭死

陳懷信

係塚夫北口子打仗中箭死

齊應選

係塚夫南面打仗中箭死

于成坤

係塚夫南面打仗中箭死

黃世傑

係塚夫北口子打仗中箭死

王汝喜

係塚夫北口子打仗中箭死

王有信

係義助營家丁北口子打仗中箭死

李全

係平度州人住生員姚雍房南面打仗中二箭正月十二日死

孫國重

係塚夫北口子打仗中箭死

梁獻忠

係塚夫北口子打仗中箭死

韓應聘

係本縣大砲手被賊用昌邑紅夷大砲打去一腿死

砲手二名係昌邑縣砲手賊破昌邑後即用所得紅夷大砲復來攻濰命二人點放二人暗

向城頭搖手示以無妨之意高之則打過城牆低之則竟落城角只傷本縣一人城倒之後奴賊失利而歸至玉皇閣前將兩人腰斬惜乎不識其名字或曰李三才張魁也

何國重

...

...

...

...

...

...

...

...

...

...

...

...

...

濰邑全城始末

濰東接昌平西連青濟固東南之咽喉而滄海之保障也不期省會失陷以來乃竟爲流賊出沒之通衢矣溯自崇禎十五年十二月初一日聞警邑侯櫟園周公當集紳衿父老同盟于城隍廟將城頭分爲四段使都堂郭中丞張參政王主事胡各主一面惟青楊樓一段使如夫人王少君主之蓋少君素有膽略故使督率家丁在此防禦且使如逢緊急每夜半煮粥分餉士卒安置甫定至初九日而賊騎四圍焉連攻者七晝夜至十六日臨明將東北角鎮武殿後石城挖倒幸被大炮擊退當拆胡家樓一座卽時修訖時有賊自昌邑擄來炮匠二名使點炮攻城二人暗對城頭搖手以示無妨炮皆落空賊因失利立斃二命眞義士也後訪其名或云卽張奎與李三才也及十九日辰刻賊又自寒亭猝返扎營東關二更時分抬雲梯數十架直抵南門迤西城下用鏃百餘張毀牛馬牆十餘丈喊聲振天賴邑侯親冒矢石命主事胡振奇等嚴守信地隨機應敵差游兵朱元聲趙從庚二人縋至城下同家鳳梧公率本族二百餘人及難民等與賊交戰奈賊勢較大族復運力戰死之兵勇受傷者數人值城頭用火礮萬人敵將雲梯打毀燒死賊兵三十餘名復點紅夷大炮擊死四十餘名賊皆痛哭昇屍而竄時有帶罪都司康寧通賊夜燃雙頭燈于北城偷放火礮三次立時亂割分啖伊子康全祿暗入草廠欲發火作內應當被捉拿梟示是役也危而復存者再旦不保夕無論官紳兵勇目不交睫者蓋十九日夜矣詎賊心叵測屯兵逢旺不時徘徊境上終

不肯離差奸細張文飾入火藥局放火當被捉正法及過年正月初二日賊復自岞山東南而來志在攻城幸值援兵四集副參董永顯潘永昌及都司羅景美等先後與賊血戰于岞山以北追殺至南留等處又適遇本縣領兵官王鳴世等帶火器營五百餘人至城南二十里舖策應兩軍合勦人人奮勇爭先賊見我軍勢大遂自披靡我軍大獲全勝殺死賊兵數百餘名奪獲馬匹器械無算閭邑稱慶時前印邢侯適擢登州道至青州慨然促行青守留之不可曰吾昔與濰人築城今被困理合共守遂長驅赴援至昌樂之堯溝驛遇賊被害濰人聞之無不隕涕急糾人數百名扶柩來濰葬于城南凡陣亡士卒邑侯輯爲天地正氣錄皆於天仙宮祀之計自去歲臘月初九迄今正月初二二十四日之內三戰三捷孰不謂從此可得安堵矣詎意天未厭亂而東牟之刼運猶未艾也至十七年甲申而高密平昌墨黃之間城市皆寇比屋焚掠靈山衛張大雅倡叛攻城膠州幾至失守又有臊打毛翟五和尚張某等作亂于北李德齊擁兵于西楊五玉趙九等爲寇于東各縣騷然濰以衝繁要地雖前後寇盜疊至然猶可得一夕之安也最堪危者本境土寇自五月十三日一時蜂起東則有王會元西則有秦尙行各相雄長互爲鷄連凡遠邇鄉村割據瓜分號令所到一呼百應有不順者卽時擄掠肆行姦淫殺人如菅少者數千多者盈萬其嘯聚也名曰搭帮有大頭目稱總督大帥巡按巡鹽有小頭目稱千長伍長百長十長又有軍師統領等目或連三帮或連五帮逐日曠日發難耽耽然如螳之聚如鳥之合不離濰城一步朝朝吶喊夜夜發火

或父在城而子在幫或兄在城而弟在幫一對壘則彼此辱罵不顧父子兄弟也一交陣則鎗炮齊施不辨兄弟父子也迨至九月十八日攻掠者半載有餘死戰者八十餘陣幾無生全之期矣幸天祚聖明重新宇宙命撫鎮東下恩施招撫立解倒懸以故闔邑士庶不第喜切更生且識刼運之將終焉雖招撫之後衆孽別無蛇弄仍思鼠竊要不過蒼蒼者欲假其自手以殺之而已矣如其互相搶奪也名曰刷幫初則東幫刷西幫西幫刷東幫無宵日也繼則東幫自刷東幫西幫自刷西幫無剩物也虎噬鯨吞始而同盟殺據終而反戈屠滅不至垂盡不已雖曰人事之大變而天道之好還不亦昭然其若揭哉迴憶數年來以叢爾孤城日受鋒鏑苟非有周邑侯之鎮定多方郭都堂之不惜重賞張中丞之主持謀略有守具戰有戰將有以得敵情有以作衆志而欲父老子弟保全而無恙也難矣此全城之始末也謹詳誌之甲申嘉平月偶書于家塾丁運隆

跋

全漣紀略者明末清兵圍漣之役周侯元亮所輯之公文檔件而刊行者也嗣以明亡文字之獄屢興雖事關一邑掌故亦鮮有幸藏者少聞西泉王先生有殘本未見而先曾大父所錄者亦係節抄本三年前又自友人家借錄一本首缺一二頁字句舛訛不可讀此本係影寫張儷生兄所藏者第一頁缺四十餘字首尾尙完好相士揚者相其姓士揚其名也理堂文集以爲相士其姓楊其時去崇禎未遠尙有是誤想未見原本故耳吾生後韓先生二百

餘年得見是本亦云幸矣當清兵之深入也陷城邑擄子女所在殘破吾瀕東關楊氏木村杜氏流飯橋王氏以及吾丁氏諸先人皆羣起殺賊一時殉國者指不勝屈雖不見於國史邑志而各家譜牒固詳載之其孤城獨存屹爲一方保障徵周侯與諸先達孰能噓旣死之灰而燃之乎乃風雲變幻不可測度不數年而明社屋誓師討賊之顏平原一變而爲降虜之李少卿良可悲矣相傳周侯於清順治中備兵青州再過瀕痛哭於其生祠下不宿而去蓋有感於中而不能遁跡入山也吾願邑之讀是書者宜憫其遇悲其志且感其大德不可以已萬不可持成敗以論人也其亂中所爲通愷詩一卷已刊與此書可以互證爲吾邑考獻徵文之資焉又先八世族叔祖運隆公有全城始末一篇視紀略各有詳略今並附印於後以備邑人之參考云民國十五年丁錫田謹識

板橋竹枝詞小敘

鄭板橋先生詩集出自手訂鐫板竣誓不許後人妄行增續然其宰吾濰時零縑斷句其集中所無者多爲世所傳誦而竹枝詞尤膾炙人口曩讀郭少垞先生榆園雜錄見其載有數首每恨不得全什讀之今年夏與仙坡孫兄共事縣志局出以相示並許刊印以廣流傳其間深刻之語遊戲之詞諒非先生報最之作然藉考一時社會之風俗亦不無裨益云爾
民國二十年九月九日丁錫田識

濰縣竹枝詞

興化鄭燮

三更燈火不曾收玉脰金壺滿市樓雲外清歌花外笛濰州原是小蘇州 鬥鷄走狗自年年只愛風流不愛錢博進已賒三十萬青樓猶伴美人眠 美人家處綠楊橋樹裏春風酒旆招一自香銷怨南國杏花零落馬蹄遙 四面山光樹木深良田美產貴千金呼盧一夜燒紅蠟割盡膏腴不掛心 豪家風氣好栽花洋菊洋桃信口誇昨夜膠州新送到一盆紅艷寶珠茶 大魚買去送財東巨口銀鱗曉市空更有諸城來美味西施舌進玉盤中 小閣桐陰日影斜晚風吹放茉莉花衣裳盡道南中好細葛香羅卍字紗 翠袖湘裙小婢扶時興打扮學姑蘇村中婦女來相耀亂戴銀冠釘假珠 幾家活計賣青山石塊堆來錦繡斑薄暮回車人半醉亂鴉聲裏唱歌還 水流曲曲樹重重樹裏春山一兩峯茅屋深藏人不見數聲鷄犬夕陽中 集散人歸掩市門市樓燈火定黃昏白浪河水無情甚不肯停留

盡夜奔 兩行官樹一條堤東自登萊達濟西若論五都兼百貨自然濰縣甲青齊 連雲
甲第尙書府帶宅園林太守家是處池塘秋水闊紅荷花間白荷花 蒼松十里郭西頭繫
馬松根上酒樓天外暮霞紅不盡秋山浮翠是青州 北窪深處好拏魚淡蕩春風二月初
河水盡開冰盡化家家網罟曝村墟 秋風荻葦路灣環釣叟潛藏亂草間忽漫鷺鷥驚起
去一痕晴雪上西山 淺草平沙秋氣高晴光不動海光搖忽騰一騎鸞鈴響綉箭前坡落
皂鵬 射罷黃羊獵罷山雕弓掛在老松間帳中裊裊聞吹笛新買吳姬號小蠻 城上春
雲拂畫樓城邊春水拍天流昨霄雨過千山碧亂落桃花出澗溝 迎婚娶婦好張羅彩轎
紅燈錦綉拖鼓樂兩行相疊奏漫騰騰響小雲籠 席棚高揭遠招魂親戚朋交拜墓門牢
醴漫誇今日備逮存曾否薦鷄豚 醃猪滴血滿城紅南販姑蘇北薊中縱使千金誇利益
刀頭富貴挺頭雄 天道由來自好生家家殺戮太無情老夫欲種菩提樹十里春風作化
城 繞郭良田萬頃賒大都歸併富豪家可憐北海窮荒地半簍鹽挑又被拏 行鹽原是
靠商人其奈商人又赤貧私賣怕官官賣絕海邊餓灶化冤燐 二十條鎗十口刀殺人白
晝共稱豪汝曹軀命原拚得父母妻兒慘泣號 行頭攬得百錢文爛肉燒腸濁酒醺到得
來朝無理料又尋瞎賬鬧紛紛 面上春風眼上波秧歌高唱扮漁婆不施脂粉天然俏
幅纏頭月白羅 東家貧兒西家僕西家歌舞東家哭骨肉分離只一牆聽他咎罵由他辱
莫怨詩書發跡遲近來風俗笑文辭高門大舍聰明子化作朱顏市井兒 百歲辛勤貌

可哀養兒嬌縱不成材，
穀盆博局開門去，待得三更徑不回。
放囚宣詔淚漉漉，拜謝君恩轉戚顏。
從此更無牢獄食，又爲盜竊觸機關。
馬思南北是山田，石塊沙窩不值錢。
待到三分秋稼熟，大家歡喜說豐年。
徵發錢糧只恨遲，茅簷蔀屋又堪悲。
掃來草種三升半，欲納官租賣與誰。
雒城原是富豪都，尙有窮黎痛剝膚。
慚愧他州兼異縣，救災循吏幾封書。
木饑水毀太凋殘，天運今朝往復還。
間行北郭南郊外，麥隴青青正好看。
關東逃戶幾人歸，攜得妻兒認舊扉。
茅屋再新墻再葺，園中春韭雨中肥。
淚眼今生永不乾，清明節候麥風寒。
老親死在遼陽地，白骨何曾負得還。
賣兒賣婦路倉皇，千里音書失故鄉。
帝主深恩許重聚，豐年稼熟好商量。
奢靡只愛學南邦，學得南邦未算強。
留取三分淳樸意，與君攜手入陶唐。

板橋竹枝詞

板橋橫木架，竹枝隨風舞。遠上寒山石徑斜，白雲生處有人家。停車坐愛楓林晚，霜葉紅於二月花。遠上寒山石徑斜，白雲生處有人家。停車坐愛楓林晚，霜葉紅於二月花。

濰陽紀事詩三十首

無名氏撰

邪蒿自昔有根栽，萌蘖終難絕禍胎。
（邪教邦師斂錢名爲栽根）王氏老人劉道士（皆老
教首）又將餘毒播東萊。黃金宛似古人儼，
傀儡登場鬼執戈。（逆犯戴黃冠以銅扎圈
爲飾）男女若狂三百戶，馬良塚子上魚河。
（首逆等所居莊名）赤眉朱髮長羣酋，
瘦骨如豺貌似猴。蠱目無光偏睨視，
祇因常與婦人謀。（首逆馬剛左眼稍大，
朱染眉髮自稱異相以惑衆）卦爻六斷與三連，
女子知書信口編。（首教劉傑妻周氏編造八卦
歌詞及十封書等語）黃絹數行新造字，
教儂自讀亦茫然。（起獲黃綾一幅，
劉逆女金妮描畫人獸書寫符篆皆以意爲之）
紅巾繡袂穢生塵，羣拜天仙敬異人。
羅致愚夫歸法網，果然織女是前身。
（金妮自稱織女星，下凡從犯皆呼爲上仙，
起事時以紅帛抹額，其母周氏言初生之夕，
雷火繞室，家人皆敬之，故又名敬妮，
陳石生明府有詩云：此番織女姻緣錯，
不嫁牛郎嫁馬郎）少女遊春去不回，
願同攜手上瑤台。燒殘紅燭凝妝待，
百萬神兵竟未來。（逆犯徐忻姪女，
淫妮年十八歲，訪金妮學仙，不歸，
被馬逆脅姦，事敗縛致階下，問金妮如
何輕害縣官，伊云：詎料符召神兵不果來耶）
妄談天象識樞機，白虎星精近紫微。
（劉逆自稱昴星）堪笑零丁牽貫索，
弟兄齊著杏黃衣。（逆屬馬增等並穿黃衣）
密締前緣閉佛門，（馬逆與各犯婦苟合之室，
題曰佛門）東鄰少婦入籠樊。
踰牆鑽穴皆輒略，第一迷人善編言。
妖氛初起見機槍，（上年彗星微見，
或卽應此）潛煽洪爐逆焰張。
（逆犯田鳳

鳴譚兆京等打造刀槍器械）未動天戈先撲滅開關無用一夫當（紳民城守甚嚴及搜獲兵器皆無桿柄始將城門開啟如常）一隊橫行孩子軍么麼小醜亦成羣弄兵果爾

爲兒戲胎卵同巢未忍焚（從犯劉廣等僅十六七歲尙有九歲者隨女犯入城免其死令隨行外遣）丈夫鰲黑女胭脂（賊以黑煤塗面）風捲紅裙作大旗蝴蝶一雙飛不起馬

前宛轉兩蛾眉（少婦譚徐氏徐杜氏皆艷妝同逆犯馬開等持戈拒敵千戎王英魁率兵勇並殲斃之）別開鎖鑰破重關擺脫牢籠去復還出柙不曾齊走壙赭衣染得血痕斑

（賊黨開監放犯去而復回僅逃逸二人餘犯間有受傷者）直犯官衙入臥廬翩翩公子

血漣如傷心指墮無能掬案上都城絕筆書（縣官林秋厓明府士駿向居西院子慶蕃臥

正室未起被傷手指皆斷賊將以刀加頸見年少知非縣官乃退復赴縣丞典史並營員各

署滋擾搶掠）賢媛多子矢齊眉白刃飛來一臂支弱息重甦聲細細不憐兒女問城池

（秋厓子婦梁氏見賊入室起以身蔽其夫並受重傷手釧斷折懷孕幾墮）最憐老嫗背

痾瘻閫內干城亦好仇拚爲主人留一脈半身菹醢不回頭（秋厓止一幼孫方周歲僕婦

王方氏以身護匿賊疊砍其背而去聞幼孫啼復回婦負痛以手掩其口賊退孫生而婦死

矣秋厓厚殮哭之應旌獎）奉使無端入鬼門簡書何處更招魂官卑同此勤王事齊拜

恩綸慰九原（委官呂文山因公至離居西院回家丁于祿並死於難觀察率諸寅僚設奠

致祭欽奉恩旨賜卹）創痛呻吟不忍聽罪人已得目方暝纍纍併作河邊骨細問芳名

記汗青（官賊葛倫居民王根慈掌韓曰富杜世友單奎家丁季祿劉升田幅楊升差役張欽譚士彥劉端升姜其貞皆被殺身死受傷者家丁陳森張泰夏雲門軍高心德獄卒徐子池居民洪學士郭德陽縣署僕婦高氏紳士劉姓宅內死者一人傷者四人）大憖兇殘奪僞封（賊稱戕官者封頭功）書生有胆獨爭鋒壯哉能吏兼名將吶喊驚人髮上衝（賊殺委官誤謂縣官已死居民震恐秋厓親放火鎗賊始驚竄復挺身挾戈而前罪人斯得秋厓狀貌魁偉聲如洪鐘猝遭急難肆應無倦色）奉行重典肅風雷戈鋌森嚴出柏臺（署廉訪寶曉村觀察正月十二日先往剿辦）官道灑塵猶未畢將軍四馬自天來（經秋山中丞星夜輕騎馳往十九日按臨）黃沙風捲黑雲騰霜漬征袍馬鬣冰徹夜不愁明月盡女牆齊點上元燈（在城紳士分段率領鄉勇巡防城市燈火不絕徹夜如晝）詰朝街市起歡聲俘斬渠魁聽令行肉瘦不堪人盡食剖心分酌一杯羹（馬逆被擒受傷忍餓不食稟撫軍於正月二十四日請令正法弁兵摘其心大如盃爭烹食之）始信無生咒不差真空巢窟盡搜拏自知作孽終難活頃刻游魂散一家（教犯習念真空家鄉無生父母彌勒我主等咒首逆村舍焚毀一空逆李周自刎妻譚氏先將二子殺死全家自縊犯屬婦女自盡者時姓一家三人韓姓一家六人）鄰鄰在道檻車籠餘匪仍留陷井中負弩拜師皆學好而今恨不作逢蒙（入教名爲學好各犯分四批解省其餘審定習師教婦孺不知逆情者留縣監候發遣）往來雨雪柳依依（正月初旬積雪盈尺二月十二日自維

返省時各犯起解途中復大雪賊勢不至蔓延餘不能遠遁亦天意也。凱唱春聲海上歸，羽檄日行三百里，憑他傳語報慈幃。情有可寬非市德，理當無赦豈爭功。全憑和氣除妖孽，文武春風一座中。（在濰時吳仲雲觀察何春舫太守督同審辦及抵省李海颿廉訪王中峯琦念菴兩太守皆和衷定讞時同事者龔廉白華濬泉鶴受生接署濰篆者招銘山子庸留濰協緝者董金坡鑾先期押犯至省者張寄琴積功後入讞局會鞫者德遂舟稜額縱理案牘者王又溪溶王翼之承宗張亦梅炳隨轅宣力者袁一士程兆緯筮鑣張兆蘭陳其然率領弁兵者張璣信長慶等十六員）駢肩老幼盡癡迷，顯戮難容片刻稽。蓮步輕移甘寸磔，笑看彌勒上天西。（劉逆同要犯王德亮七名口於三月初八日請命正法律載叛逆重犯不拘停刑日期金妮年十九歲從容就縛絕無懼色觀者或驚壓成病甚至瘋狂殺人皆逆氣之所中也）幾曾天網脫恢恢，早定爰書得罪魁。（最要逆犯悉就擒誅尚有次要者未獲十餘犯）殘喘苟延同一死，何人再到北宮來。（先期糾人在北宮地方約會謀逆從犯格斃並自盡男婦二十名口戮尸九犯生擒凌遲八犯斬決十犯斬候二十犯餘遣戍者一百數十犯）放流絕域各天涯，越鳥南枝萬里遐。（初被引誘入教及年逾六十未傳徒者擬軍流）豺虎成羣投有北，尙留童犒待獺牙。（緣坐犯內馬逆二子監禁俟成丁闡割 飛章一紙墨華濃，天語褒嘉下九重）奏摺欽奉上諭，布置甚好所見是奉恩允酌保數員）供職兵刑皆分內，微員何敢冀勳庸。名園花木久留人，（于役匝月僑寓丁

氏花園）富庶繁華渤海濱安得循良功折罪官民同樂太平春（秋厓素著循聲士民感戴倉猝遇變衆人皆阻其輕往秋厓奮不顧身爲兵勇倡百姓見縣官未死同心禦賊乃將渠逆一鼓而擒灘城不至失守所保全者甚大惟不能及早防杜格於吏議以失察去官咸愛惜之而莫能助也道光三年臨清逆案男婦首犯亦馬劉二姓是東省教匪滋事有數存焉然默化於未然潛消於將然惟在官民一家以和氣弭乖戾以至誠格奸頑庶幾經正民興而無邪匿歟

濰縣和記
印刷局印

65.